

## 5. gr.

Starfsreglur þessar, sem settar eru á grundvelli 19. gr. og 59. gr. laga um stöðu, stjórn og starfshætti þjóðkirkjunnar nr. 78/1997, öðlast gildi 1. janúar 2001.

*Gjört í Reykjavík, 8. nóvember 2000.*

Jón Helgason  
forseti kirkjuþings.

Gunnar Sveinsson  
þingskrifari.“

Starfsreglur þessar eru hér með kunngerðar almenningi.

*Reykjavík, 8. nóvember 2000.*

F. h. kirkjuráðs,

**Karl Sigurbjörnsson** biskup Íslands.

## AUGLÝSING

### um starfsreglur kirkjuþings um vígslubiskupa.

#### „STARFSREGLUR um vígslubiskupa.

## 1. gr.

Biskupsdæmi Íslands skiptist í tvö vígslubiskupsumdæmi, Skálholtsumdæmi og Hólaumdæmi.

## 2. gr.

Vígslubiskupar starfa á grundvelli laga um stöðu, stjórn og starfshætti þjóðkirkjunnar nr. 78/1997.

## 3. gr.

Vígslubiskup sá, sem eldri er að biskupsvígslu, gegnir störfum biskups Íslands í forföllum samkvæmt 15. gr. laga nr. 78/1997.

## 4. gr.

Umdæmi vígslubiskups í Skálholti nær yfir Múla-, Austfjarða-, Skaftafells-, Rangárvalla-, Árness-, Kjalarness-, Reykjavíkur eystra-, Reykjavíkur vestra-, Borgarfjarðar-, Snæfellsness- og Dala-, Barðastrandar- og Ísafjarðarprófastsdæmi.

Umdæmi vígslubiskups á Hólum nær yfir Húnavatns-, Skagafjarðar-, Eyjafjarðar- og Þingeyjarprófastsdæmi.

## 5. gr.

Vígslubiskupar eru biskupi Íslands til aðstoðar um kirkjuleg málefni. Þeir annast biskupsverk að ósk biskups Íslands og í umboði hans, svo sem að vígja djákna, presta, kirkjur og kapellur. Þeir hafa í umboði biskups Íslands tilsjón með að stefnumörkun kirkjunnar sé framfylgt hvað varðar helgihald, boðun, fræðslu og kærleiksþjónustu kirkjunnar í umdæmum sínum og hafa tilsjón með starfsmannahaldi í umdæmum sínum einkum hvað varðar handleiðslu, símenntun og sálgæslu presta og starfsmanna kirkjunnar. Þeir vísitera presta og

söfnuði í umdæmum sínum og bera ábyrgð á helgihaldi dómkirkna sinna í samráði við viðkomandi sóknarprest.

## 6. gr.

Vígslubiskupar bera ábyrgð á uppbyggingu biskupsstólanna eftir því umboði sem kirkjuráð veitir. Þeir eru kirkjuráði til stuðnings og samráðs í málefnum biskupsstólanna svo og öðrum kirkjulegum stjórnvöldum og koma fram í nafni staðanna og umdæmanna eftir því sem við á.

## 7. gr.

Vígslubiskupar leita sátta komi upp deilumál innan safnaða eða á öðrum kirkjulegum vettvangi í umdæmum þeirra. Skulu þær sáttaumleitanir að jafnaði fara fram að undanengnum sáttaumleitunum prófasts og í samráði við hann ef heppilegt má telja.

## 8. gr.

Vígslubiskupum ber að starfrækja embætti sín á grundvelli árlegrar fjárhagsáætlunar kirkjuráðs fyrir embætti þeirra.

## 9. gr.

Vígslubiskupar sitja kirkjuþing með málfrelsi og tillögurétt, sbr. starfsreglur um kirkjuþing.

Vígslubiskupar sitja fundi kirkjuráðs þegar málefni biskupsstólanna eru til umfjöllunar, sbr. starfsreglur um kirkjuráð.

Vígslubiskupar sitja biskupafund, sbr. 19. gr. laga nr. 78/1997 og starfsreglur um biskupafund.

Vígslubiskupar sitja prófastafund, sbr. starfsreglur um prófasta.

Vígslubiskupar eiga sæti í kenningarnefnd, sbr. 14. gr. laga nr. 78/1997 og starfsreglur um kenningarnefnd.

## 10. gr.

Vígslubiskupar eru próföstum til samráðs við skipulagningu starfs héraðsprests, sbr. starfsreglur um prófasta. Þá veita vígslubiskupar úrlausn í málum sem prófastar vísa til þeirra á grundvelli erindisbréfs prófasta.

## 11. gr.

Vígslubiskupar gegna formennsku í valnefndum og sinna öðrum skyldum við val og veitingu prestsembættis sem greinir í starfsreglum um presta.

## 12. gr.

Vígslubiskupar koma að málefnum prestssetra skv. 13. gr. starfsreglna um prestssetrasjóð nr. 828/1999.

## 13. gr.

Starfsreglur þessar, sem settar eru á grundvelli 16. gr. og 59. gr. laga um stöðu, stjórn og starfshætti þjóðkirkjunnar nr. 78/1997, öðlast gildi 1. janúar 2001.

*Gjört í Reykjavík, 8. nóvember 2000.*

Jón Helgason  
forseti kirkjuþings.

Gunnar Sveinsson  
þingskrifari.“

Starfsreglur þessar eru hér með kunngerðar almenningi.

*Reykjavík, 8. nóvember 2000.*

F. h. kirkjuráðs,

**Karl Sigurbjörnsson** biskup Íslands.

## AUGLÝSING

**um starfsreglur kirkjuþings um ráðgjafarnefnd um kenningarleg málefni.**

„STARFSREGLUR

um ráðgjafarnefnd um kenningarleg málefni.

1. gr.

Ráðgjafarnefnd um kenningarleg málefni, kenningarnefnd, sbr. 14. gr. laga um stöðu, stjórn og starfshætti þjóðkirkjunnar nr. 78/1997, er biskupi og öðrum kirkjulegum stjórnvöldum til ráðgjafar um mál er varðar kenningu og játningargrundvöll íslensku þjóðkirkjunnar.

2. gr.

Kenningarnefndin skal fjalla um mál sem kirkjuleg stjórnvöld vísa til hennar um

- a) kenningargrundvöll evangelísk-lútherskrar kirkju, játningar og boðun
- b) embætti evangelísk-lútherskrar kirkju
- c) handbók kirkjunnar, helgihald og trúarlíf
- d) samkirkjuleg málefni.

3. gr.

Biskup Íslands er formaður kenningarnefndar. Aðrir nefndarmenn eru

- a) vígslubiskupar
- b) prófessor í trúfræði við guðfræðideild Háskóla Íslands. Varamann hans skal guðfræðideild tilnefna úr hópi fastra kennara deildarinnar
- c) einn tilnefndur af kirkjuþingi og annar til vara
- d) einn tilnefndur af prestastefnu og annar til vara.

Kenningarnefnd kýs sér varaformann.

4. gr.

Þá nefndarmenn sem greinir í staflíðum b – d í 1. ml. 3. gr. skipar biskup til fjögurra ára, frá og með 1. júlí árið eftir kirkjuþingskosningar.

5. gr.

Biskup Íslands leggur kenningarnefnd til fundaraðstöðu og sér um alla þjónustu við nefndina, svo sem vörslu skjala hennar, fundaraðstöðu og gagnaöflun.

6. gr.

Kostnaður af störfum kenningarnefndar greiðist af kirkjustjórninni.

7. gr.

Starfsreglur þessar, sem settar eru með heimild í 14. gr., sbr. 59. gr. laga um stöðu, stjórn og starfshætti þjóðkirkjunnar nr. 78/1997, öðlast gildi 1. janúar 2001.